



# **basic education**

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**2017**

**IMEMORANDAMU**

**IMITLOMELO: 100**

**Imemorandamu le inamakhasi ali-15.**

**ISIGABA A: AMATHEKSTHI WOKUZITLAMELA (AMA-ESEYI)****Tjheja: Isihloko asingabalwa nakubalwa inani lamagama asetjenzisweko****UMBUZO 1****1.1 I-eseyi ecocako.**

Ngangiqalene nobujamo obumbi khulu.

Le yi-eseyi lapho umtloli ademba ngesehlakalo esithileko esakhe senzeka kuye, akhe wasibona senzeka komunyenofana acocelwa ngaso. Kuyenzeka kokhunye umtloli atbole i-eseyi ayisusele ehloko. Kuqakathekile ukobana nanyana umfundi ayisusela ehloko i-eseyakhe kube yi-eseyi ekholwekako. Ngokuvamileko umtloli we-eseyi ecocako usebenzisa isikhathi esidlulileko.

**Nakhu okumele kutjhejwe nakutshwaywa le-eseyi:**

- Isigaba esisingeniso kufanele simdose/silulubeze umfundi we-eseyi.
- I-eseyi ecocako kufanele ikholwakale nanyana kungeyokuzitlamela.
- I-eseyi ecocako kufanele itlolwe ibe sesikhathini esidlulileko.
- Umuntu otshwaya i-eseyi le kufanele alangazelele ukuzwa okulandelako bekube sekugcineni.
- Ukucoca okuyipumelelo kubonakalisa tjhatjhalazi imizwa efana neyokubona, yokuzwa, yokunambitha, yokuthintana nephunga.
- I-eseyi enesiphetho esingakajayeletki yihle kunaleylo enesiphetho esisepepeneneni begodu esilindelekileko.

[50]

**1.2 I-eseyi ahlathululako.**

Ukonakala kwebhoduluko kubangelwa kungatjheji kwabantu.

Le yi-eseyi lapho umtloli afuze ahlathulule ubujamo obuthileko, umuntu othileko nofana indawo ethileko. Njengombana nesihloko sitjho, kufanele umtloli we-eseyi le asebenzise amagama ahlathululako khudlwana. Ngale kwalokho, umtloli usebenzisa khulu ilimi elisesikhathini sanje.

**Nakhu okumele kutjhejwe nakutshwaywa le-eseyi:**

- Otlolako kufanele ayelele ekutheni akhethe isihloko asazi kuhle. Isizathu kukobana kuba budisi ukuhlathulula into organalwazi elipheleleko ngayo.
- Otlolako kufanele akhethe ngokuyeleta amagama nobujamo bokuhulum.
- Amagama asetjenziswa ngotlolako kufanele akhe isithombe esikhanya bha.
- Otlolako angasebenzisa iinthombe-ngqondo zokubona, zokurhogela, zokuzwa, zobumnandi nezokuthinta ukuze zimsize ukwenza akuhlathululako kukhanye bha.

[50]

### 1.3 I-eseyi evezako/eveza imizwa yomtloli.

Indlela engazizwa ngayo nangihlanganiswa nombelethami weengazi kokuthoma.

Le yi-eseyi lapho otlolako aba nombono bese unikela imizwakhe. I-eseyi le itjhegeza ibuyele emva esehlakalweni esakhe senzeka. Otlolako-ke kulapho abeka khona imibonwakhe ngokwenzakalako, abeke tjhatjhalazi okuhle neemphoso bese uthatha iinqunto ngokuthi ubona kufanele kwenziweni ukutjhugulula ubujamo balokho esikhathini esizako.

Umhlobo lo wendaba sivame ukuwubona emitlolweni ema-eseyi, la otlolako abeka umbonwakhe ngesihloko esithileko. Akutjho bonyana akutjhoko kuliqiniso kodwana ngilokho akucabangako ngabantu, ngesintunofana ngepilo nje. Lokho akubekako kuhle kusekelwe ngamaqiniso ukuze kungamdondisi loyo ozokufunda i-eseyi leyo. I-eseyi enje ingaveza ukuiya kwengqondo yaloyo otlolako begodu abanengi bayithatha njengeqiniso lamambala.

#### **Nakhu okumele kutjhejwe nakutshwaywa le-eseyi:**

- I-eseyi evezako iveza imizwa yomtloli.
- Imizwa nokuthatheka kwehliziyo kudlala indima eqakatheke khulu e-eseyini le.
- Ihlangothi elikhulu le-eseyi lingaba ngelihlathululako. Ukuhlathululokhu kufanele kukhanye begodu kuveze imizwa nalokho okusengqondweni yaloyo otlolako.
- Imibono/Imicabango/Imizwa evezweko kufanele yembule iqiniso nendima ethathwa ngotlolako.

[50]

### 1.4 I-eseyi evezako/eveza imizwa yomtloli.

Izenzo zakhe zazingitjengisa bona uyazikhakhazisa ngami.

Le yi-eseyi lapho otlolako aba nombono bese unikela imizwakhe. I-eseyi le itjhegeza ibuyele emva esehlakalweni esakhe senzeka. Otlolako-ke kulapho abeka khona imibonwakhe ngokwenzakalako, abeke tjhatjhalazi okuhle neemphoso bese uthatha iinqunto ngokuthi ubona kufanele kwenziweni ukutjhugulula ubujamo balokho esikhathini esizako.

Umhlobo lo wendaba sivame ukuwubona emitlolweni ema-eseyi, la otlolako abeka umbonwakhe ngesihloko esithileko. Akutjho bonyana akutjhoko kuliqiniso kodwana ngilokho akucabangako ngabantu, ngesintunofana ngepilo nje. Lokho akubekako kuhle kusekelwe ngamaqiniso ukuze kungamdondisi loyo ozokufunda i-eseyi leyo. I-eseyi enje ingaveza ukuiya kwengqondo yaloyo otlolako begodu abanengi bayithatha njengeqiniso lamambala.

### **Nakhu okumele kutjhejwe nakutshwaywa le-eseyi:**

- I-eseyi evezako iveza imizwa yomtloli.
- Imizwa nokuthatheka kwehliziyo kudlala indima eqakattheke khulu e-eseyini le.
- Ihlangothi elikhulu le-eseyi lingaba ngelihlathululako. Ukuhlathululokhu kufanele kukhanye begodu kuveze imizwa nalokho okusengqondweni yaloyo otlolako.
- Imibono/Imicabango/Imizwa evezweko kufanele yembule iqiniso nendima ethathwa ngotlolako.

[50]

#### **1.5 I-eseyi emahlangothimibili/emadanisako.**

Ubuhle nobumbi bokuthembela khulu eensemjenzisweni zethekhnoloji.

I-eseyi le ihlobene khulu ne-eseyi ephikisako. Okufanako kukobana kiyo yomibili imihlobo le, otlolako ubeka imibonwakhe. Umehluko okhona kukobana e-eseyini emahlangothimibili otlolako kulindeleke kobana atlola ngemibono yomibili. Silindele kobana asivezele ubuhle nobumbi bento atlola ngayo. Okumnandi ngomhlobo lo we-eseyi kukobana otlolako utjhiyela ofundako ekutheni azikhethelle yena isiquonto sokobana ngiliphi ihlangothi abona lingcono kuneline. Umtloli angafikelela esiphethweni esithileko ekugcineni kwe-eseyakhe kodwana imibono evumako nephikako kufanele yethulwe ngokulinganako endaben.

### **Nakhu okumele kutjhejwe nakutshwaywa le-eseyi:**

- Umtlolo kumele uzwakale begodu ungathathi ihlangothi.
- Kumele kuvezwe iintatimende ezizwakala kuhle.
- Kilomhlobo we-eseyi otlolako uveza ngobuhle nangobumbi bento ethileko anikelwe yona esihlokweni.
- Unikela amaphuzu avumelana nesihloko nalawo aphikisana naso.

[Otlolako kufanele aveze kokubili, ubuhle nobumbi bokuthembela khulu eensemjenzisweni zethekhnoloji].

[50]

#### **1.6 I-eseyi ephikisako/ehlangothilinye.**

Abentwana bafanele bathokoze ababelethi babo ngezipho lokha nasele baphumelele eemfundweni zabo. Vumelana nofana uphikisane nesitativendesi.

I-eseyi ephikisako ifuna otlolako athome ngokukhetha ihlangothi esihlokweni atlola ngaso. Otlolako angakhetha ukuvumelana nesihloko nofana aphikisane naso. Umbono womtloli kumele ukhanye kusukela ekuthomeni bekube sekugcineni kwe-eseyakhe. I-eseyi le yethula lokho okusengqondweni yomtloli.

**Nakhu okumele kutjhejwe nakutshwaywa le-eseyi:**

- Ottolako kumele athome ngokuthi akhethe ihlangothi azokutlola ngalo.
- Ottolako kumele anikele amaphuzu amanengi anabe ukusekela imibonwakhe.
- Ottolako kumele ahlale emaphuzwini NOFANA aphikise isitatimende.
- Lomhlobo we-eseyi uphethe imibono yomtloli kwaphela ngalokho kumele iphakamise imibono eqinileko.
- Ilimi elinezwelomagama lingahle lithinte imizwa kodwana kumele libe nehlonipho.
- Isiphetho kumele sibe sitatimende somtloli esinamandla, esikhanyako nesanelisako.

[50]

- 1.7      1.7.1 &      Kileziinthombe umfundi angatlola nanyana ngiwuphi umhlobo we-eseyi.  
 1.7.2      Otshwayako uyelelisa bona atjheje umhlobo we-eseyi ovezwa ngotlolako bese utshwaya ngokulandela amaphuzu alindeleke ngaphasi kwaloyo mhlobo wendaba.

[50]

**IMITLOMELO YESIGABA A:****50**

## ISIGABA B: AMATHEKSTHI WOKUTHINTANA

### UMBUZO 2

#### 2.1 INCWADI YOBUNGANI

**Nakhu okumele kutjhejwe nakutshwaywa incwadi yobungani:**

- Kufanele ibe nesiphande sinye, sitlolwe ngokujayelekileko esandleni sokudla. Isiphande sotlolako asibe nelanga elitlolwe ngesiNdebele isib: Janabari/Tjhirhweni ingasi ngesiNgisi. **Tjheja:** Isiphande, isilotjhiso nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Kunesilotjhiso esiphakamisa ibizo lomuntu omtlolelako; Isib. Jabulile, Mma, Baba; njll.
- Kufuneka esingenisweni aveze umnqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi lapha.
- Kufuneka bona otlolako ahlathulule ngokuzeleko emzimbeni ihoso yokutlola kwakhe incwadi ngamaphuzu azwakalako nakhambisana nesihloko anikelwe sona.
- Kumele ibe nesilayeliso; Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Ekugcineni kumele utole isiphetho; Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utole igama lakho. Lokhu kwenzelwa ukobana loyo otlolelweko azi kuhle ukuthi utlolelwe ngubani. Isibongo akufuneki ukobana usitlole ngombana niyazana nabantu obatloleleko.

[25]

#### 2.2 INCWADI YESINGHONGHOYOLO

Kilomhlobo wencwadi esiphanden iungelo wencwadi esiphanden kungasetjenziswa igama lenyanga yesiNdebele nofana **yesiNgisi ettolwe ngokwesiNdebele**; Isib. Matjhi, Febherbari, Janabari; njll. Oytlolako akukafaneli asebenzise ilimi lendleleni, okulilimi elingakavumeleki.

**Nakhu okumele kutjhejwe nakutshwaywa incwadi yomthetho:**

- Kufanele ibe neemphande ezimbili, zitlolwe ngokujayelekileko. Isiphande sotlolelwako asibi nelanga/idadamu ekutlolwe ngalo incwadi.
- Kutlolelwa umuntu othileko onesikhundla ebubulweni elithileko. Ngalokho-ke kufanele otlolako aphakamise isikhundla saloyo amtlolelako ngaphambi kokutlola isiphande sesibili. **Tjheja:** Iimphande, isilotjhiso, isihloko nesiphetho azingabalwa nakubalwa inani lamagama.
- Kunesilotjhiso esingaphakamisi ibizo lomuntu otlolelwako kodwana kutlolwa ukuthi *Nomzana* nofana *Kosikazi*.
- Kufuneka bona otlolako atole isihloko salokho atlola ngakho ngamagabhadlhela.

- Esingenisweni kufanele kutlolwe umnqopho/ isizathu sokutlola leyo ncwadi.
- Kufuneka bona otlolako ahlathulule kuhle ngokuzeleko lokho akhuluma ngakho. Kufanele asebenzise amagama afana nanaka: *Ngiyokuthokoza; Ngizokuthaba; Kuzongithabisa*.
- Iba nomzimba lapha otlolako acoca khona indabakhe.
- Iba nesilayeliso.  
Esiphethweni iyaveza bona ibuya kubani. Tlola amagamakhonofana iinthomo zamagamakho nesibongo bese uyayitlikitla. Kufuneka bengubo baveze bona bendile/batjhadle nofana awa ngokutlola Mm. nofana Kkz. ngemva kokutlikitla incwadi leyo. Lokhu kwenzelwa ukuthi loyo otlolelwako azi kuhle ukuthi utlolelwelo ngubani.

[25]

## 2.3 UMLANDO KAMUFI

Nakutlolwa umlando kamufi, kuthonywa ngesihloko esibonakalako esinamagama kamufi apheleleko; Isib. Umlando kaBaphelile Sophy Masilela, njll. Ekugcineni kungaphethwa ngomutjho omfitjhani wokumlayelisa, njengokuthi: Lala Ngokuthula, Mgwezani Wakokosi, Lala uphumule, Mgwezani, nofana ikosi ayikuphe umphumulela wasafuthi, nanyana ngimaphi amagama anehlonipho kungaba ziinanazelo zakhe ziyamukeleka.

### **Nakhu okumele kutjhejwe nakutshwaywa umlando kamufi:**

- Isihloko esinamagama kamufi apheleleko.
  - Amagamakhe apheleleko.
  - Ilanga abe lethwa ngalo.
  - Indawo abe lethelwa kiyo. **Tjheja:** Akungatlolwa igama lesibhedlela.
  - Ube lethwa bobani.
  - Imithombo yefundo asele adlule kiyo.
  - Akuzuzako eemfundweni zakhe.
  - Lindawo asebenze kizo.
  - linkhundla azifumanako.
  - Ilanga akhambe ngalo ephasini.
- Tjheja:** Akungatlolwa unobangela wokuhlongakala kwakamufi kodwana kungavezwa khunye kwalokhu: webiwe ngunokufa lokha nakakhambé ngengozi, uhlongakele ngemva kokugula isikhathi esifitjhani nofana eside nakagulileko.
- Umndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi.
- Tjheja:** Akungatlolwa amabizo weenini ezitjhiyweko.
- Isiphetho akube mumutjho omfitjhani wokumlayelisa nofana iinanazelo zakhe.

[25]

## 2.4 IKULUMO-PENDULWANO

**Nakhu okumele kutjhejwe nakutshwaywa ikulumo-pendulwano:**

- Njengemitlolo yoke kufanele kube khona isingeniso. Esingenisweni kulapho kwethulwa khona indaba ekuzokucocwa ngayo nokobana izokucocwa bobani nendawo lapha izokucocelwa khona.
- Iba nesakhiwo esifana nesomdlalo.
- Akulotjhisanwa kungenwa endabeni zisuka zibekwa.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.
- Kutlolwa ikhloni emuva kwamagama wabantu abakhulumako.
- Amagama aveza imizwa nobujamo balabo abakhulumako akatlolwe afakwe ngaphakathi kweembayana ngemva kwekhloni etlolwe eduze negama lokhulumakonofana laloyo okhulumako.
- Lapha kuthoma khona ikulumo yomuntu akuthonywe ngegabhadlhela.
- Ukukhethwa kwamagama kumele kutjengise ukwehlukana kwezinga lalabo abakhulumako. **Isib. Ubaba nakakhuluma nendodana, umntwana wesikolo nakakhuluma notitjhhere.**
- Ukobana ikulumo-pendulwano ithoma ngesingeniso akutjho bona akube khona isigaba esisiphetho. Isiphetho sendaba siba sekulumeni yabo, kuzwakale bonyana seiyaphetha.
- Ingaphetha ngokobana bazwane nanyana bangezwani kuye ngokobana indaba egade icocwa ikhambe bunjani.

[25]

## 2.5 Irivyu

Ukuhlolisisa komtlolo wencwadinofana wafilimungelihlo elihlabako.

**Nakhu okumele kutjhejwe nakutshwaywa irivyu/ukuhlolisia:**

**Ingaphandle lencwadi/lefili mu**

- Ibizo lomtloli.
- Isihloko sencwadi/sefilimu.
- Ibizo lekhamphani egadangisileko.
- Inani lemali.

**Ingaphakathi lencwadi/lefili mu**

- Hlathulula kafitjhani ngendlela umtlolo otlolwe ngayo.
- Hlathulula ngokuvezwa kwabalingisi bawo.
- Hlathulula ngommongondaba womtlolo lowo.
- Hlathulula ngesizinda sawo.
- Hlathulula ngomhlobo wejenri.
- Tshwaya ngesiphetho sawo.

[25]

## 2.6 UMBIKO OHLELEKILEKO

Umbiko ungaba ngento umuntu ayibonileko, ayizwileko kanye nento ayenzileko.

### **Nakhu okumele kutjhejwe nakutlolwa umbiko ohlelekileko:**

- Ihloso yombiko kudlulisa ilwazi elithileko.
- Amaphuzu kumele abe liqiniso kungabi mbono.
- Amaphuzu kumele aphathelane nesihloko.
- Ilimi elisetjenziswako kufanele likhambisane naloyo nanyana labo umbiko oqaliswe kibo.
- Ukuze umbiko uzwakale kuhle kumele utlolwe ngomuntu wesithathu, okukhulunywa ngaye.
- Kumele umbiko ube nesihloko esitjhoko bona umbiko lowo umayelana nani.
- Isihloko kumele sibe nebizo lomuntu nanyana abantu umbiko oqaliswe kibo.
- Kumele kutlolwe lokho okutholakele erhubhululweni. Nanzi iindlela zokubuthelela ilwazi ezingalandela:
  - Ukucocisana nabonogada besikolweni.
  - Ukucocisana nohlokokulu wesikolo.
  - Ukucocisana neensebenzi eziphekako.
  - Ukucocisana nabototjhere abalawula i-Feeding Scheme.
- Kumele kube neemphakamiso.
- Kumele kube nesiphetho.
- Kumele kube negama nesibongo somuntu otbole umbiko lowo.
- Kumele umbiko ube nelanga otlolwe ngalo.
- Kumele ekugcineni umbiko utlikitlw.

[25]

<b>IMITLOMELO YESIGABA B:</b>	<b>50</b>
<b>INANI LOKE:</b>	<b>100</b>

**ISIGABA A: IRUBHRIKHI YOKUTSHWAYA/YOKUHLOLA INDABA/I-ESEYI YELIMI LEKHAYA [50 IMITLOMELO]****TJHEJA:**

- Sebenzisa irubhrikhi njalo nawutshwaya i-eseyi.
- Amamaksi asukela eli-0–50 ahlukaniswe ngamazinga weentlhadlhuli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitlhadlhuli lihlukaniswe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

**IRUBHRIKHI YOKUHLOLA INDABA YELIMI LEKHAYA [50 AMAMAKSI]**

Iqhinga		Ngokudluleleko	Ngokwekhono	Ngokulingeneko	Ngokusisekelo	Ngokungakalingani
<b>OKUMUNYETHWEKO</b> <b>NOKUHLELA</b>  (Ukuphendula) Ukuhlela kwemiqondo yokuhlela Ukulemuka komnqopho, abamukelilwazi nobujamo	<b>Izinga eliphezulu</b>	<b>28–30</b>  -Ukuphendula okudluleleko -Imiqondo ehlakaniphileko, evusa imiqondo netjengisa ukukhula -Ukuhlela okudluleleko nokukhambelana kwesingeniso, umzimba nesiphetho	<b>22–24</b>  -limpendulo zihleleke kuhle, zikhambelana khulu begodu zimnandi -Kunobufakazi nokukhula okubonakalako -Isingeniso, umzimba nesiphetho kuhleleke kuhle begodu kuyakhambelana	<b>16–18</b>  -Ukuphendula okwanelisako -Imiqondo ekhambelanako nekholisako -Kunokuhlela okulingeneko nokukhambelanako nesihloko, umzimba nesiphetho	<b>10–12</b>  -Ukuphendula okungakajami ndawonye -Imiqondo engakanqophi -Ubufakazi obuncani bokuhlela nokukhambelana	<b>4–6</b>  -Ukuphendula okuphume endleleni khulu -Imiqondo enganatla nengazwakaliko -Imiqondo engakahleki nengakhambelaniko
<b>30 AMAMAKSI</b>	<b>Izinga eliphasi</b>	<b>25–27</b>  -Ukuphendula okudluleleko kodwana kutlhayela amatshwayo wendaba ehle -Imiqondo ekhulileko nenokuhlakanipa -Kunokuhlela nokukhambelana okuhle ngokudluleleko kwesingeniso, umzimba nesiphetho	<b>19–21</b>  -Ukuphendula okuhlelwe kuhle -Imiqondo ekarisako nekhambelanako -Kunokuhlela nokukhambelana okuhle kwesingeniso, umzimba nesiphetho	<b>13–15</b>  -Ukuphendula okwanelisako kodwana okunganatla -Imiqondo iyakhambelana ngokulingeneko -Kunokuhlela nokukhambelana okulingeneko, kwesingeniso, umzimba nesiphetho	<b>7–9</b>  -Ukuphendula okungakhambelaniko okusezingeni eliphasi -Imiqondo ayikahlangani begodu ayikanqophi -Abukho ubufakazi bokuhlela	<b>0–3</b>  -Ukuphendula isihloko akukalingwa nokulingwa -Imiqondo engakhambelaniko nengakafaneli -Imiqondo enganatla nengazwakaliko

**IRUBHRIKHI YOKUHLOLA I-ESEYI YELIMI LEKHAYA [50 AMAMAKSI] (iyaraga)**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
ILIMI, ISITAYELA NOKU-EDITHA.  Iphimbo, irejista, isitayela nelwazimagama elifanele umnqopho, abamukelilwazi nobujamo Ukukhethwa kwamagama, ukusetjenziswa kwelimi, imithetjhwan, iimphumuzi, ihlelo nesipelinghi	Izinga eliphezulu	14–15  -Iphimbo, irejista, isitayela nelwazimagama elifanele ngokudluleleko, elinembu umnqopho, abamukelilwazi nobujamo -Ukusetjenziswa kwelimi kusezingeni elihle ngokudluleleko -Ihlelo nesipelinghi esinganamphoso -Kutlanywe kuhle ngokudluleleko	11–12  -Iphimbo, irejista, isitayela nelwazimagama elifanele khulu umnqopho, abamukelilwazi nobujamo -Ilimi liyanemba begodu lisetjenziswe ngokufaneleko -Ihlelo nesipelinghi akunamphoso khulu -Kutlanywe kuhle	8–9  -Iphimbo, irejista, isitayela nelwazimagama elifanele umnqopho, abamukelilwazi nobujamo -Ukusetjenziswa kwelimi okwethula ihlathululo -Ihlelo nesipelinghi kuneemphoso ezinengana. -Kutlanywe ngokusezingeni elilingenek.	5–6  -Iphimbo, irejista, isitayela nelwazimagama elingakafaneli kancani umnqopho, abamukelilwazi nobujamo -Ukusetjenziswa kwelimi okusezingeni eliphasi -Ihlelo nesipelinghi kuneemphoso ezinengi -Kutlanywe ngokusezingeni eliphasi	0–3  -Iphimbo, irejista nesitayela ezingakafaneli khulu umnqopho, abamukelilwazi nobujamo -Ilwazimagama elithayela khulu lenza kube budisi ukuzwisa itheksthi. -Ilimi elingazwakaliko -Ihlelo nesipelinghi kuneemphoso ezinengi khulu -Kutlanywe ngokusezingeni eliphasi khulu
		13  -Iphimbo, irejista, isitayela kanye nelwazimagama elifaneleko nelihle elinembu umnqopho, abamukelilwazi nobujamo -Ukusetjenziswa kwelimi kusezingeni elihle khulu -Ihlelo nesipelinghi esinganamphoso -Kutlanywe kuhle khulu	10  -Iphimbo, irejista, isitayela kanye nelwazimagama elifanele umnqopho, abamukelilwazi nobujamo -Ilimi liyanemba begodu lisetjenziswe ngokufaneleko -Ihlelo nesipelinghi kuneemphoso ezimbawla -Kutlanywe kuhle	7  -Iphimbo, irejista, isitayela nelwazimagama elifanele ngokulingeneko umnqopho, abamukelilwazi nobujamo. -Ukusetjenziswa kwelimi okungathuli ihlathululo -Ihlelo nesipelinghi kuneemphoso ezinengi -Kutlanywe ngokusezingeni eliphasi	4  -Iphimbo, irejista, isitayela kanye nelwazimagama elincani nelisezingeni eliphasi elingakafaneli umnqopho, abamukelilwazi nobujamo. -Ukusetjenziswa kwelimi okungakafaneli -Ihlelo nesipelinghi kuneemphoso ezinengi khulu -Kutlanywe ngokusezingeni eliphasi khulu	
ISAKHIWO  Amatshwayo wetheksti. Ukwakhiwa kweengaba nemitjho	Izinga eliphasi	5  -Kuvezwe amatshwayo neminingwana eqakathikileko yesakhiwo sendaba -Kunokukhambelana okuhle ngokudluleleko kwendaba -Imitjho kanye neengaba kwakheke ngendlela ehle ngokudluleleko	4  -Kuvezwe amatshwayo neminingwana yesakhiwo sendaba -Kunokukhambelana okuhle -Imitjho neengaba kunikela umqondo	3  -Amatshwayo neminingwana eveziweko iyakhambelana -Imitjho neengaba kwakhiwe kuhle -Indaba isanikela umqondo	2  -Amaphuzu amanyi anembako akhona -Ukwakhiwa kwemitjho neengaba kuneemphoso -Indaba isazwakala kancani	0–1  -Amaphuzu afunekako ayathayela -Ukwakhiwa kwemitjho neengaba kuneemphoso ezinengi khulu -Indaba ayinamqondo
5 AMAMAKSI						
IRENJI YAMAMAKSI		43–50	33–40	23–30	13–20	0–10

**ISITJENGISO SOKWABIWA KWEMITLOMEOLO:**

- km/hl- : (Tiola umtlomelo otholwe mfundi)  
 L-/st-/ed- : (Tiola umtlomelo otholwe mfundi)  
 Sk- : (Tiola umtlomelo otholwe mfundi)

**ISIGABA B: AMATHEKSTHI WOKUTHINTANA****IRUBHRIKHI YOKUHLOLA AMATHEKSTHI WOKUTHINTANA WELIMI LEKHAYA [25 AMAMAKSI]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLELA NESAKHIWO	<b>13–15</b>	<b>10–12</b>	<b>7–9</b>	<b>4–6</b>	<b>0–3</b>
-Ukuphendula nemibono -Ukubuthelela nokuhlela kwemibono -Umnqopho, abamukelilwazi, amatshwayo/imithethjhwana kanye nobujamo  <b>15 AMAMAKSI</b>	-Ukuphendula okudluleleko, okungaphezu kwalokho okulindelweko -Imiqondo ehlakaniphileko nekhulileko -Ilwazi elingeneleko lamatshwayo wetheksthi -Umtlolo unqophile -Kunokukhambelana kokumunyethweko nomqondo -Isakhiwo sihleleku kuhle begodu yoke imininingwana esekela isihloko ivezive -Isakhiwo esifaneleko kodwana Esinokungakhambelaniko okuncazana	-Ukuphendula okuhle khulu nokutjengisa ilwazi elihle lamatshwayo wetheksthi -Umtlolo unqophile, awukaphumi esihlokweni begodu usekelwe kuhle ngendlela enobukghoni -Kunemininingwana esekela isihloko -Isakhiwo esifaneleko kodwana Esinokungakhambelaniko okuncazana	-Ukuphendula okulingeneko okutjengisa ilwazi lamatshwayo wetheksthi -Akunakudzimelela nokukhambelana okulingeneko kokumunyethweko nemiqondo -Eminye imininingwana esekela isihloko ivezive -Isakhiwo sifanele ngokulingeneko kodwana kunokungakhambelani	-Ukuphendula ngokusisekelo begodu kutjengisa ilwazi lamatshwayo wetheksthi -Kunokunqopho okukhona kodwana okunengi kuphambene nesihloko -Imininingwana esekela isihloko imbalwa -Imithetho eqakathhekileko yelimi isetjenziswe ngendlela ekungasiyo -Kunobutjhapha obubonakalako	-Ukuphendula kutjengisa Ukungabi khona kwelwazi lamatshwayo wetheksthi -Akunakukhambelana kwemiqondo -Imininingwana esekela isihloko imbalwa -Akakasebenzisi amatshwayo nemithetho yesakhiwo
ILIMI, ISITAYELA KANYE NOKU-EDITHA	<b>9–10</b>	<b>7–8</b>	<b>5–6</b>	<b>3–4</b>	<b>0–2</b>
-Iphimbo, irejista, isitayela nelwazimagama kuwufanele umnqopho/umphumela, abamukelilwazi nobujamo -Ukusetjenziswe kwelimi kanye nemithethjhwana -Ukukhethwa kwamagama -Ukusetjenziswe kwamatshwayo wokutlola nesipelinghi  <b>10 AMAMAKSI</b>	-Iphimbo, irejista, isitayela nelwazimagama kuwufanele khulu umnqopho, abamukelilwazi kanye nobujamo -Ihlelo lisetjenziswe ngokunembako begodu lihleleke kuhle khulu -Akunamphoso	-Iphimbo, irejista, isitayela nelwazimagama kuwufanele kuhle umnqopho, abamukelilwazi kanye nobujamo -Ihlelo lisetjenziswe ngokunembako begodu lihleleke kuhle -Akunamphoso ezinengi	-Iphimbo, irejista, isitayela, nelwazimagama kuwufanele ngokulingeneko umnqopho, abamukelilwazi kanye nobujamo -Kuneemphoso zehlelo kodwana azilimazi ihlathululo	-Iphimbo, irejista, isitayela nelwazimagama kuwufanele kancani umnqopho, abamukelilwazi kanye nobujamo -Kuneemphoso zehlelo ezenza bona ihlathululo ingazwakali	-Iphimbo, irejista, isitayela nelwazimagama akukhambelani nomnqopho, abamukelilwazi kanye nobujamo -Kuneemphoso ezinengi khulu ezenza bona ihlathululo ingazwakali nakancani
IRENJI YAMAMAKSI	<b>22–25</b>	<b>17–20</b>	<b>12–15</b>	<b>7–10</b>	<b>0–5</b>

**ISITJENGISO SOKWABIWA KWEMITLOMELO:****-km-/hl-/sk- : (Tlola umtlomelo otholwe mfundu)****L-/st-/ ed- : (Tlola umtlomelo otholwe mfundu)**

## AMATSHWAYO OKUMELE ASETJENZISWE BOTITJHERE NABATSHWAYAKO

## IGREYIDI 10-12

Itshwayo	Ihlathululo	Itshwayo elikhambelanako ethekstini	Isibonelo setshwayo elisetjenzisiweko	Lapha kulungiswe khona
?	Faka itshwayo likanobuza	↑	?	
!	Faka itshwayo lokubabaza	↑	!	
/-	Faka u-dwi/ihayifeni	↑	/-	
ɔ/	Susa bese uyalivila(igama)	/	KwaMhlanga	KwaMhlanga
#	Hlukanisa amagama	#	...ebesakhelene nabo	...ebe sakhelene nabo
ŋ	Susa(Tlola phezu kweledere/kwegama elisuswako)	Susa igameli	Umma ukhamba <del>uyakhamba</del> ngekoloyi	Umma ukhamba ngekoloyi
stet	Tjhiya njengombana kunjalo/Lisa(umtlolo)njengombana unjalo	....ngaphasi kwamaledere/igama olisule ngephoso	Ubaba ukhamba nomma	Ubaba <u>ukhamba</u> nomma

Gabh	Tlola igabhadlhela	=.....ngaphasi kweledere lelo/igama elifuze litlolwe ngegabhadlhela	<u>U</u> nomzana Mahlangu	uNomzana Mahlangu
L.nc	Tlola ngeledere elincani	=...ngaphasi kweledere lelo/igama elifuze litlolwe ngamagama amancani	...ngi <u>Z</u> okukhamba	...ngizokukhamba
( )	Vala bese ususa isikhala hlangana namaledere	Hlanganisa amaledere	Emthola <u>C</u> pilo	Emtholapilo
s.e	Thoma isigaba esitjha	Isib: sele kumele athome isigaba esilandelako.	...kwabo. <u>A</u> besana...	..kwabo.  Abesana.....
↓	Faka iledere/igama elitjengwise emajinini	↓	Umma uyak <u>h</u> uphula h <u>g</u>	Umma uyakghuphula
○ ↓	Faka ungci	○ ↓	Abesana bebagula	Abesana bebagula.
ɔ ↓	Faka ikhoma	ɔ ↓	Ubaba uthenge iimbuzi iinkomo nezinja.	Ubaba uthenge iinkomo, iimbuzi nezinja.

<b>sp</b>	Thalela igama elingatloeki kuhle bese utlola <b>sp</b> ngaphezulu	<b>sp</b>	...ngitluwile	... <u>ngitlhuvile</u>
<b>sv</b>	Thalela igama elinesivumelwano esingakafaneli besi utlola <b>sv</b> ngaphezulu	<b>sv</b>	Ikomo <u>z</u> akhe	Ikomo <u>y</u> akhe
<b>ibu</b>	Thalela okubuyeletweko bese utlola <b>ibu</b> ngaphezulu	<b>ibu</b>		
<b>mhl</b>	Thalela umutjho ongakahleki kuhle bese utlola <b>mhl</b> ngaphezulu	<b>mhl</b>		
<b>hl</b>	Thalela isihlanganiso esingakasetjenziswa kuhle bese utlola <b>hl</b> ngaphezulu	<b>hl</b>		
<input type="checkbox"/>	Igama elingakaqunteki kuhle		<u>tu</u>	Umun- <u>E</u>
	Umqondo oquntiweko endimeni			
<b>I</b>	Thalela ilimi elingamukelekiko bese utlola <b>I</b> ngaphezulu	<b>I</b>		